

不食。六脈遲數不常。或時歇止。此痧痢也。刮放後痛減半。用石一方。砂仁湯下。煎用竹六方。去赤白滯甚多。諸症悉愈。

一人發熱脹悶沉重。痢下紫血。醫但治痢甚危篤。見六脈洪大。不勻。令刮痧。用匏三方。入童便飲。次以蘇木、紅花、五靈、茜草、烏藥、香附、當歸、導痰乃安。

痧類瘧疾。痧有寒熱往來。類乎瘧疾。或昏沉。或狂亂。或痰喘。或煩悶。叫喊。或嘔噦。吐痰。睡臥不安。或大小便結。舌黑生芒。如此重極。脈必有變。不與瘧同。宜細辨。

一人日晡寒熱昏沉。脹悶。大便不通。舌焦胎厚。左脈浮大而虛。右沉細而濇。不似瘧脈。視乳下有青筋刺出毒血。用散痧消毒活血藥。諸症退。又用潤下丸二錢。大便通。惟寒熱未退。用小柴胡湯而痊。

瘧疾兼痧。瘧忽兼犯乎痧。瘧必因痧而變。苟漫以爲瘧而忽視之。必至傷人。是非先治其痧。卽輕。痧亦必有遺患。土一

一少男患瘧凶暴。驗筋放痧稍鬆。用石二金八方兩服。扶而起。次日傷食患益甚。更放痧。用散痧消食順氣。

解毒藥三服稍安。後又傷食發熱。用檳葡萄青陳紫朴
白芥四服。大便不通。加大黃枳實。便通熱減。但病久
虛。暈心跳。用棗仁茯神參芪熟地之類。調補一月。痊
一婦瘧八日。忽壯熱不已。昏沉不醒。左脈不勻。右虛瀉。
非瘧脈也。刺臂青筋。流紫黑血不愈。服金五方。加藿
朴檳葡萄并土一方稍醒。次日又刺指頭。服金五方。加
軍枳。熱退後。用絲二方運動其氣。痊。

頭痛痧 毒中臟腑之氣閉塞不通。上攻三陽顛頂。故痛。

入腦髓。發暈沉重。不省人事。名真頭痛。且夕死。急刺顛

頂洩毒。藥惟破毒清臟爲主。毒中臟腑之血。壅瘀不流。上冲三陽。頭面肌肉。故肌肉腫脹。目閉耳塞。心胸煩悶。急刺顛頂。及其餘青筋。藥宜清血分破。壅阻爲要。

土二三

一人頭痛發暈沉重。脈伏。刺顛頂及痧筋少甦。脈沉實。而上魚際用土二方。

一婦頭面紅腫。發熱頭疼迷悶。脈芤而疾。刺左腿彎三針。血如注。冷服紅花膏半杯。用土三方。

心痛痧。屬氣則時疼時止。痰涎迷悶。刺手臂。服順氣藥。

爲主。屬血則大痛不已。昏沉不醒。刺腿彎。服活血藥。爲主。遲則難救。

一人心中暴痛。痰涎迷悶。兩寸沉伏。關尺洪緊。刺少筋二十針。用石三方四帖而安。

腰痛。少毒入腎。腰痛不能俛仰。若誤飲熱。必煩躁昏迷。搦搐。舌短耳聾。垂斃而已。

一婦腰中大痛。板硬。誤飲熱酒。發熱煩躁。昏沉痰湧。左尺微虛。右尺洪實。脈兼歇止。刺血不流。用石四方。腿彎筋現。刺二針。血流。再服二帖。痛減。

小腹痛痧。毒入大小腸。則小腹大痛不止。形如板硬。絞絞不已。治須分左右二股屈伸爲驗。

士四

夏月不頭痛發熱。但小腹疼。或心腹俱痛。脹痞不能屈伸。此皆暑火流注臟腑。故先小腹痛。遍及心腹。宜六和湯清解之。或四苓加香薷、木瓜、紫蘇和散之。或正氣散加黑梔。或炒鹽和陰陽水探吐痰涎可耳。

一少年小腹大痛。每每左臥。左足不能屈伸。太陽小腸經痧也。服士四方三帖。筋始現。刺左腿彎二針。用絛七方冷服愈。

一人小腹大痛。每每右臥。右足不能屈伸。陽明大腸經
痧也。刺腿彎青筋四針。血流不愈。用竹八方冷服。半
夜痧退而安。

頭眩偏痛痧。痧氣慢者。常覺頭眩內熱。或半邊頭痛。心
煩不安。宜刮痧。不愈。用清熱下氣之劑。

流火流痰痧。痧毒傳變。忽足忽手。忽發肌膚。忽爲

隱現。不定來去無常。而痧脹又不現。最難識認。有熱似
流火。腫似流痰。而不比流火流痰之輕緩。或痛極難忍。
或癢痛不已。此等驗于痧筋發現。刺之無疑。然後憑脈

所犯風寒暑濕。及食積痰血氣阻。分治之。斯能有效。
一婦日間左小腿紅腫大痛。暮卽腹痛。而足痛止。次日
右小腿紅腫大痛。腹痛又止。六脈如常。難據爲痧。腿
彎有青筋三條。刺血甚多。反加痰喘。此放痧未盡之
故。用竹二方。加土貝母二錢。兩服稍愈。次日左腿彎
又刺痧筋一條。顛頂一針。服煎湯加牛膝三錢。痧卽
退。更服絳七方俱痊。

一人晚間右腿紅腫痛方已。喉旁腫痛。不覺爲痧。只見
時症犯此者多。細看兩臂痧筋刺血。用石八方。倍檀

藿加大黃一錢。食消便下而安。

痰喘氣急。痧。先有痰喘氣急。痧脹因之。先治痧。後治痰。
氣。無令痧爲本病之助。先有痧脹。痰喘氣急因之。但治
痧而痰氣自愈。若痧有寒熱不清。痰喘氣急者。兼和解。
痧有但熱無寒。喘急者。兼消食順氣。有大便不通。小便
不利。喘急者。又有痢下膿血。喘急者。俱急攻裡。有瘀血
凝滯。小便利。大便黑。喘急者。當慮痧毒攻壞臟腑。不痛
可治。痛而不已。難治。服藥不應者死。

土五

一人發熱頭痛。脹悶昏迷。痰喘氣急。六脈無根。若痧脹。

痰喘氣急

則有救。因放痧。用石五方。絲四方。稍冷服。又用土五方。一服昏迷卽醒。脹喘俱平。更用金一方。加青翹。檀蔔熟軍。發熱頭疼俱已。脈復舊。

一婦痰喘氣急。脹悶不已。刺乳下二針。出紫黑血。稍可用竹四方。三服愈。

一人痰喘氣急。發熱身重。腹中絞痛。刮放不愈。用金四方。並石六方。加大黃服之。愈。

半身不遂痧。慢痧遲緩。中于血分。未至攻心。留滯經絡。或在左。或在右。半身疼痛。或麻痺。遂成半身不遂。見痧筋。

急刺破。用藥散毒活血消瘀。

土六

一人朝涼夜熱。氣急半年。服藥不應。加右半身疼。不能俯仰。痰咳食減。成勞弱病。然脈症不符。閱痧筋刺廿餘針。用土六方。二服後。疼痛吐痰俱除。後朝用六味丸。夕用補中益氣寒熱愈。

膨脹兼痧。先有膨脹。忽痧乘之。膨脹益甚。痧宜早治。

一人臍突筋青。心坎將平。知爲血膨。其指頭黑色。兼痧無疑。刺廿餘針。腿臂血出。略鬆。服絲三方。臍下青筋漸退。後用膨症藥。導去惡水。日服。治膨香圓丸。二月。

餘膨症盡平

痧變膨症 慢痧遷延時日留滯肌膚腸胃中若不早治
卽成真膨

一人急氣作脹飽悶臍下青筋突起心坎將平此慢痧
成膨也出毒血廿餘針臍筋卽淡腹內覺鬆用石二
方脹漸消

老病兼痧 先有痰火嗽疾忽喘急如鋸或頭汗如油煩
悶莫壯雖是痰火危篤然有兼感時氣穢觸驟然勢盛
者必宜察脈按症先清痧次治痰漸補氣血可耳

一。嫗素抱痰火老弱病。忽痰壅喘急如鋸。六脈不勻如雀啄。此兼痧症。尙有挽回。刺出惡血。用散痧消食豁痰順氣藥。並進土五方。漸安。後大補氣血而痊。

弱症兼痧。先有勞弱症。或時吐血。或微乾嗽。顴唇鮮紅。或骨蒸發熱不已。一染時氣穢觸。必兼痧症。或痰喘。或喉鯁。或脹悶煩熱。較平時不足之症益覺沉重。宜治痧爲主。令痧退盡。方治本病。

一。勞弱吐紅症。脈洪實有力。醫謂此脈是症之所忌。予見勢暴疑焉。視腿彎筋青色。先放痧。脈和症平。又付

散痧消食去積藥。飲食漸進。後用六味丸。及十全湯。
勞弱亦愈。蓋向病俱從痧氣而洩。所以用補得效也。
一婦吐血乾嗽。晝涼夜熱已久。因怒午後忽發熱脹悶。
痰喘昏迷。左關微緩餘脈應指不勻。夫怒氣左關必
有力。勞弱脈亦宜弦數。內有鬱血。寸關亦當見芤脈。
不對症。兼痧明矣。刺痧筋。倍用石二方。清茶飲之。神
清喘已。但勞弱未愈耳。

內傷兼痧。先辨痧症。治其標。後審內傷。治其本。

土七

一老婦爭產相毆。發熱嗽痰。胸中脹悶。診治內傷兼痧。

刺痧筋廿餘針。服石二方。稍鬆。用土七方。治其內傷。
服後下黑糞。痧消症平。後用木六方。并前虛症亦除。
痧變勞瘵。痧惡。熱有反。喜熱湯者。症益莫識。慢痧所
以漸成勞瘵也。毒入氣分傷肺。喘嗽吐痰。發熱聲啞。肺
爲嬌臟。若不知治。變爲百日緊勞。輕者數年終殆。毒入
血分。重者兆變在卽。輕者歲月延捱。若毒瘵胃口。必須
去盡。乃愈。毒瘵肝經損壞。內潰吐血。數發勢極多危。毒
瘵心胞絡。更加凶險。不待時日。毒瘵腎經。腰脊疼痛。嗽
痰咯血。日甚一日。凡痧毒遺患。總成勞瘵。治須識之于

始莫咎其終。

一人痧脹不服藥。惟放痧三次。胃脘間成一塊。咳嗽吐痰。發熱不食。日漸尪瘦。右關芤而緊。餘俱數。此內有瘀血。必吐出方解。用桃仁蘇木澤蘭白蔹香附烏藥酒煎服。吐出紫黑血碗許。更用活血引下之劑。加童便酒服愈。

痧變吐血鼻衄便紅。痧毒冲心則昏迷。痧毒冲肺則氣喘痰壅。甚則鼻衄。痧毒入肝。則胸脇疼痛。不能轉側。甚而血湧吐出。痧毒流于大腸。則大便血。流于膀胱。則小